

財賦

通下情

輶晦

兵

濟人

攝養

議論反覆

憂民

好生

報應

無嗜好

憂國

制勝

謹言語

後自警言編書





目錄

財賦

謹言

兵

韜晦

議

論反覆

攝養

報應

好生

制勝

憂國

通

下情

濟人

憂民

無

嗜好





後自警編卷之九

時賦

彛尊錄云 世宗下教問中外官吏以貢法踏驗便否先公在高靈即上書其大略以為貢法萬世之通行踏驗一時之權宜與其行一時權宜之術曷若行萬世通行之法乎貢法本非不善臣恐用之不善也以今之制言之上中田之結負多下田之結負少上田一結之稅二十斗中田十八斗下田十六斗已駸駸于後世什取其二也至於目水旱風雹之灾而傷損者必須連伏十結乃去其稅數口之家其所耕過數結者蓋寡謂之未滿十結而



必取盈焉。產沒稅存，斯民竟何食而聊生？自作貢  
以來，歲入公家之數已倍蓰。蹠蹠雖曰樂歲收租  
至八九分，凶年則至一二分，故民不憚奔走之勞  
供億之費。尚思隨損給損之志而不忘之矣。臣願  
以周制之尺，改量水田，不使上中之結，貢為多，下  
田之結，貢為少。當如夏禹氏分九等之品，俾為多  
少之錯，出且令上田一結之稅，減舊之半而止。征  
十斗中下之稅，以是為差，立為常制。於可常之中  
如有天災，果可損而損之，果可免而免之，則田制  
於是乎正。賦歛於是乎平。公不至於匱私，不至於  
病幾乎三代什一之法。前日欲復蹠蹠者，皆應心



於貢法可以行之萬世而無弊若夫踏驗之弊雖更僕殆未可終為朝廷雖目貢法而改量減稅之說不見錄云

本國舊無木綿布士大夫常服紬衣高麗求文宰相益漸得孩於中國種子家苑而取花又求所以去孩引絲之法而用之湖嶺南最盛而八道無不種人蒙其利而國用饒足文公之功也國朝世錄其子孫賞之又麻布本國之產而工女率以皮麻織之麤墨不潤澤國初朝官團領冬則用縐紬夏則用麻布世族之會有一官服麻布團領而光澤異常問之婦則乃曰以刀刮去麤皮其短或半尺或

不能半尺然甚潔白以此織布耳有一婦人餒病  
還家試之目以鈍刀去其皮而織之由是黑細麻  
布為本土之恒貢而為士大夫之盛飾矣

清談

### 節

孝孫公舜孝愛君之誠貫於金石其為京畿監司

也巡行列邑如遇一蔬一果一味之可甚者輒取

以封進及燕山朝專用興青之言勿問時之早晚

物之盛衰按籍督責急於風火民不聊生邑里蕭

然中廟改玉盡加刪革而亦有未及釐正雖以

一二無用之物而有至今為民之巨弊者古人惟

正當供之外勿許有所妄進者其意固深遠不可

及也

寄齋  
雜記



萬曆乙巳

宣廟

臨朝講特進官戶曹叅判申湜啓

曰我國諸道產銀處甚多當此國儲蕩竭之日許民採取官家收稅則公私兩便國用亦足矣上曰產銀處多予申曰他處不知矣畿內揚州地亦有產銀處時方採取矣余以司諫入侍啓曰嘗聞我國名山無不產銀而自三國至于今日採取者只端川銀則他處亦多銀穴之言未可信矣且前朝末中國責以銀貢鄭夢周奉使入奏僅得蠲減代以土物必以進獻難繼故也但銀至寶之物天生有用藏置可惜若有產銀處則許民採用實為便益翌日政院以無發落取稟備忘記鑒開混沌

混沌死鑿開銀穴人心死

竹憲開語

國朝貢秦是燕山時所增久為生民之病先王朝

甲辰始設廳改定考其邑力之殘盛田結之多寡

土產之有無酌量彼此郡移均適百年宿瘼一朝

頓革民庶瘳矣然防納刀證之弊倍篋於前日胥

吏戈利勢家隴斷公用不加而民力重困是實由

於國無紀綱人鮮廉恥之致若不大改更張則此

弊無時可祛醫國者當有以藥之

芝峯類說

富國之術在於錢幣足兵之策在於號牌蓋錢布行

則國用自裕號牌行則時無幸民其利益必大矣

用錢之議起於先王末年廷臣獻言皆以為可



行而事竟寢號牌則頃自主子設廳成藉公卿以下佩持數月而罷我國之習不能耐久如此惜我故作事者非知之難行之為難非行之難持久為

難

同上

國朝銀禁甚嚴平時天使接待亦用土物為禮而已壬辰歲後防禁遂弛市井之民以銀為貨自後此弊濫觴頃年太監劉鼎兩天使出來時刮取銀子累萬兩掃國內以去近則往來差官求索亦甚中朝之人視我國為利窟後日之患有不可言者同上采谷先生嘗上劄請度通弊法改定貢案時旱灾方熾上御經席謂侍臣曰凶歉如此兩道尤甚計

將安出領相朴淳曰須預蓄財才以救之先生進  
曰若不變通弊法以濟艱難而只欲移粟活民則  
粟亦已乏無可移者矣國勢如此岌岌自上預  
思變通之策凡經費之需亦當裁減上曰用度  
別無增加只遵舊規而猶不足奈何先生曰祖  
宗朝稅入甚多今則連歲不登稅入甚少而經費  
猶遵舊規安得不乏稅入似當酌宜加定以裕國  
用而民生甚困勢不可加必須先解積苦以悅民  
心然後收稅始可得中矣我國貢案不度民戶殘  
破田結多少而胡亂分定且非土產故防納之徒  
得以牟利而齊民困苦今雖改定貢案量其民戶



田結均數平定而使之必貢土產則民解積苦矣  
柳成龍曰此事汲汲可為也先生曰必須得人然

後乃可救弊不得其人則勢必無成矣

栗谷外集

古者人君節儉什一而稅無他賦役故家給人足我  
國家山海僻壤外無強隣非如中原四戰之地賦  
役可以輕矣而民之困苦莫甚於我國此由貢法  
之弊有以重民力故也臣聞國初楮菴雞豚蔬果  
地產之類皆令州縣官自蒔養而上供法典所載  
貢物之出於民者其目不多今則不然諸道列邑  
蕩無舊規凡一蔬一果之細皆賦之於田結田結  
之民雖有土產之可供者一切為防納吏所遏不

敢納其本色而輸以十倍之直為又州縣所自用者皆賦之於田結故田結之賦其目繁多而無有紀極矣大抵國初賦民足以供奉日用而已歷年既久所費漸廣古今氣習奢儉之異幾於倍蓰則國用之多從可知矣此今民之所以賦重而不勝其苦者也非但此也貢桑之法不以州縣田疇之多寡而徒擬官秩之尊卑為之高下是故小州之民偏受其苦逃入他境者甚衆且京中谷司或費多而所貢少緣徵來歲而猶不足者或費少而所貢多充物委積而化為塵土者有南物而賦之於近道者有陸產而收之於海邑者如此之類不一



而足其為民害可勝言哉至於進上之獻乃萬民  
惟正之供也而民之不供本色已久其中亦有草  
葉木實初不足以供兒童一戲之資而使吾民賣  
衣與食而進之嗚呼此誠何心哉使殿下而知  
此則寧不欲輟一朝肥甘之享免吾民一日塗炭  
之苦乎目今軍民之役苦歇不均田疇之賦輕重  
無章殿下重於改作<sup>於</sup>徂循而不為之整理矣獨  
不可一霽鴻恩蠲除無益之物以蘇民乎  
牛溪庚寅封事

宣

廟朝戊申年間完平李文忠公始為大同宣惠之  
政用之於畿輔後二十年吉川君權盼為湖西觀  
察使時乃取完平之意平停一道田役出入劑為

繫法事末外行籍以藏之後十二年戊寅故金潛  
谷堉實按是道發視其跡歎曰活民之方不外是  
矣入朝未幾為今上孝宗初元位遇益隆首先  
以是說進於是號其局大同廳迨城君李時昉亦  
叅畫其為法通筭一路田業也無問大小惟視結  
數多寡結出米十斗舟運上江其山僻海遠州縣  
准米出布咸委輸于京師自御供奉宗社祀享接  
賓客凡百需用細至芻稭薪蒸之屬皆於是取辦  
官無所濶狹弛張吏無所伸縮乾沒無更賦有常  
調以春秋二時具其物趁期會

自兵亂以後財賦減縮於舊而經費日廣各司匱竭



但守空庫凡大小需用每臨時白奪於市民甚怨  
苦劉熊兩使時廟堂始創設分曹凡詔使支待之  
物額為措備以用之外方及市民甚稱其便而惟  
勢家牟利之徒大不悅造作誹謗必欲革去故已  
酉冬上命革罷分曹大臣請別置調度色郎協  
承堂上規畫措備而上年冬又因臺啓命革罷大  
臣更請勿罷依先朝舊例分屬於版籍經費兩司  
專委措辦至是色郎重被臺劾色吏又受訊時秋  
浦黃公慎長地部不自安辭職不許出仕後啓曰  
理財之任自古所難善幹辦者有言利之病守本  
分者貽不職之譏所謂損上而益下量入而為出

者實為理財一大方法而外此則皆苟而已近來  
一年常貢不足以供一歲之用不得而已有此調  
度之號捨惟正之供而買辦而繼之苟且矣非惟  
有妨國體永非可繼之道只可救得目前而已決  
難為永留通行之規然比臨時窘急白奪於市厘  
者則此為善策耳大槩調度之說出於大臣其或  
目或罷及變通之策請更令大臣議處大臣李相  
恒福獻議言其不可罷遂仍存焉

秋浦  
年譜

秋

浦在地部啓曰臣受任以來已涉三年而才拙局  
淺不能有所措畫以為久遠之規前後所致力者  
不過少小補綴以救目前之急已而到今國計漸



竭官無宿儲既不量入而為出又不量出而為入  
苟不及今變通以立國家大規模則雖有智者亦  
不能善其後矣臣竊不勝私憂過慮敢以愚見條  
列別紙以啓其六條一曰改量田以均賦役二曰  
改貢棗以紓國用三曰作米布以祛防納之弊四  
曰收魚鹽以除私占之害五曰裁省浮費以蓄財  
力六曰久任該官以責成効上優答仍命議于  
大臣後竟不行

年譜





兵

大司憲南在上言國之所重在於戎事握兵發兵各  
有其職古之制也近者各道節度使直隸州府郡  
縣其騎船軍陸守軍與夫雜凡供役者盡令抄赴  
京黨有倭寇猝至誰能禦之願令諸道節度使呈  
報都評議使司取旨行移方許徵發其直隸抄出  
一皆禁斷違者令本府糾理遺稿  
自間延之變上留意邊事屢聚武士觀射後苑  
上將討野人欲試大臣之意密令政府六曹叅判  
以上三軍都鎮撫等各陳方略議論不一命知申  
事安崇善密封不洩決定攻討之計命羣臣議可

將三軍皆曰崔潤德將中軍李順蒙將左軍崔海  
山將右軍順蒙啓曰軍士進退專在中軍臣將左  
軍何以立功乞以潤德為主將以臣為副將海山  
為左李恪為右臣率先鋒精騎五六百先入賊境  
勢可擊則擊之不可則退屯以待後軍孟思誠亦  
言之上從其言遂命海山先往造浮橋於鴨綠  
江以事目論潤德順蒙言海山先渡江邊役民伐  
材恐相扇浮言以生彼疑黃喜權軫河敬復兵曹  
判書崔士康等曰鮮水則彼必皆事耕種宜令海  
山先到其處權稱巡審城柵潛辦諸事待其不意  
合水陸之軍同力造之何必更差他人上從之



即諭海山曰初命卿往造浮橋今更思之無端伐材則人心浮動彼必知之今以卿為城柵巡審使托以擇定木柵新基巡審江邊潛思密慮以待軍士之至急造浮橋若不堅緻使人馬俱陷非細故也

李綱類編  
西征錄

夏四月初十日崔潤德會平安黃海軍馬于江界府分軍令軍中節度使李順蒙領兵二千五百十五向首賊李滿住寨里左軍節度使崔海山領兵二千七十向車餘等處右軍節度使李恪領兵一千七百七十向馬遷等處金戰節度使李澄石領兵三千一十向兀刺等處金孝誠領兵一千八百八

十八向林哈刺父母寨里洪師錫領兵一千一百  
十一向八里水等處潤德自領兵二千五百九十  
九直走林哈等處里上遣集賢殿副提學李宣  
教潤德曰用兵帝王之所重也然高宗有三年之  
後周宣興六月之師是皆為生民之害社稷之  
憂不得已者也蠢茲野人逼處我疆鼠竊狗盜者  
屢而謂獸心之俗不足與較舍忍包容久矣今乃  
潛入邊境屠殺老弱擄掠婦女掃蕩民居肆行暴  
虐討罪之舉豈得已哉惟卿稟忠義之姿兼將相  
之略聲聞素著中外共知茲命卿將中軍問罪野  
人唯是副將以下大小軍官士卒之在行者卿皆



將之以賞罰用命不用命教順蒙海山澄石恪孝  
誠等曰君人之道惟在保民將相之忠貴乎敵愾  
蠱茲野人豺豺狼之心逞蜂蠆之毒侵掠我邊疆  
殘虐我生靈孤兒寡妻起怨傷和此寡人所以哀  
痛惻怛之不已而亦卿等之所共拊心切齒者也  
舉兵聲罪烏可得已肆命卿等將某軍往討之其  
悉同心協力以聽主將方略克成折衝之功以答  
邊民之望教三品以下軍官軍民等曰蠱茲野人  
以烏撓之姿行豺狼之心隣我疆場常抱禍心伺  
隙侵掠防備之嚴行戍之勞為爾生民之患久矣  
今又凌犯邊徼殺害生靈掃蕩廬室予實疾心命

將將討罪爾衆士其悉予宵旰之憂謹將帥節度  
之律除老弱及婦女外如能斬首以級之多少或  
超三等或超二等或超等賞職賞資其搃牌雖不  
自成功而部內斬獲多者亦差等賞職賞資如不  
遵軍令者雖成功而無賞其爾各盡乃勇以致果  
毅勗哉頌教既畢潤德會諸將令曰有違主將條  
令者當以軍法從事無忽其餘令云臨戰麾而不  
應者聞鼓不進者不進救將帥者漏洩軍情者發妖  
言惑衆者告大將斬失其牌而從他牌亡章者喧  
嘩者罰五中失三人者罰不救牌頭者斬入賊里  
令前拔拾財寶者斬入賊里老弱男婦勿擊雖壯



者降則勿殺行軍險阻忽遇賊人止而擊之角報  
其軍諸軍角報主將退北者斬勿殺雞犬牛馬勿  
焚家舍大抵攻伐之法以義誅不義攻其心而萬  
全義也若有侵殺老幼要殺唐人欲釣軍功而犯  
干條令者並依軍律施行越江時須要伍伍什什  
次第上船毋得輒爭違者論罪令訖與諸將約以  
十九日並擣賊穴若風雨晦暝以二十日為期潤  
德自所灘下時番洞口過江住師江邊有四障自  
授營中營軍獲之潤德曰獐野獸也今日未見獲  
實野人殲滅之也至魚虛江邊留兵六百設柵  
十九日昧爽攻林哈刺寨里仍住營沈吒納奴寨

里皆遁去見江邊虜十餘輩出射潤德令通事馬  
邊者呼之語曰我等行兵只為忽刺溫非為爾也  
毋恐虜皆下馬叩頭二十日洪師錫軍至與潤德  
會生擒三十一虜逆後扼戰乃斬其餘虜二十六  
自吒納奴東山至哈刺寨里遍歷搜捕日暮退營  
石門令知慈城郡事趙復明知載寧郡事金仍等  
領兵五千一百名並搜谷里至吒納奴寨里無人  
潤德以順蒙不猷猷不待令先行崔海山不及軍  
期李澄石不待令先行劾之遣吳明義奉箋賀又  
遣朴好問啓曰宣德八年敬奉符將討婆猪江寇  
送至左符叅驗發兵敬此即發馬步兵一萬黃海



道軍兵五千四月初十日會江界府分屬諸將七  
道俱進本月十九日諸將潛師勦捕男婦並二百  
三十六名斬獲一百七十名得馬牛一百七十餘  
頭我軍死者四人中箭者五人上賜明義好問  
衣谷二領遣宣慰使朴信生至軍賜酒勞諸將宣  
旨曰今日之事宗賴天地祖宗之靈以至於此  
非予所堪當也還鄉之日宜有復報其生擒人除  
老弱外丁壯悉皆斬之沿江等處謹守禦順蒙澄  
石海山等以効不穎上召黃喜益思誠權軫許  
稠河敬復安純禮曹判書申商曰予自臨御以後  
每致意於守文兵革之事未嘗及也今宣好大喜

功敵加於已不得不舉而幸至大捷何以保安此  
功無有後患乎皆曰矜大之心古今所戒殿下  
不以大勝為喜臣等深賀堅城柵備糧餉慮不虞  
存敬畏可無後患矣上又曰今當征討之後賊  
若來報復令邊將堅壁清野以待審其形勢臨機  
追捕何如皆曰可上又曰今赴正軍士馬死者  
千數汝倉米買馬以給何如皆曰不可上又曰  
今邊上將卒為私語開諭幹木何及諸種野人曰  
婆楮江野人久蒙國家恩待而無名動衆背德殺  
掠故不得已命將討罪豈好功然歟若彼人悔過  
自新誠心歸順則國家必待之如初矣云何如皆



曰可。上又曰：崔海山不從元帥之令，行師逗遛，以千餘兵所獲最少，宜坐違誤軍機之罪。然經赦，不可追論，亦不可論功。皆曰：若非遇赦，不宜免罪。豈應論賞？只論管下有功之士可也。上議于黃喜、權軫等曰：昔在己亥，東征對馬島，都統使柳廷顯回來，命代言往迎之。都體察使李從茂、親征對馬島異從，上王章樂天亭迎慰，蓋從茂親征對馬島，異於廷顯例也。今婆猪之役，比對馬島其功倍矣。潤德順蒙等凱還之日，何以處之？予謂：潤德則親出迎於慕華館，李順蒙以下欲令大君若大臣往迎之。若曰：太重則潤德令大君若知申事往迎，順蒙

以下令大臣若代言往迎何如昔李晟討朱泚收復京城德宗拜晟司徒賜永寧里等特賜宴令太常備樂京兆供饌具鼓吹以為榮觀後周世宗時遣將帥如此其榮今則何如喜筆曰上王迎慰從茂於樂天亭者時偶幸樂天亭而從茂適至耳非欲異於建顯也彼唐周之帝寵待將帥者在當時不如是不足以結其心今日之事非如收復之功只征小醜而已時異事殊何必出迎潤德命知申事迎慰順蒙以下命集賢殿官迎慰亦足為一時之榮觀矣泛之禮曹請以捷告廟布告中外仍令稱賀教曰可上欲賞諸將之功議諸大臣



許稠欲加設領中樞院事以賞潤德孟思誠欲以  
已職受之二議未定及除授之日持命左代言金宗  
瑞代安崇善掌文選羣臣未知上意上引見  
宗瑞曰卿記去年之言乎與卿曾言潤德可為首  
相然其任至重不可賞戰功也今潤德雖有戰功  
若無才德斷不可授也予先後取捨如此卿具陳  
此意於大臣熟議以啓思誠等皆曰潤德公廩正  
直謹勤奉公雖為首相無愧也上曰予意如此  
而大臣之意亦如此其代權軫之職以潤德為右  
議政順蒙為判中樞院事李恪李澄石中樞院事  
金孝誠洪師錫中樞副使潤德奴婢十口順蒙八

口恪澄石六口師錫五口孝誠四口李淑疇能調  
兵運糧陞資為工曹左判仍任平安道都觀察使  
上御對政殿宴慰潤德等及將吏分賜尚方衣靴  
令服以赴宴上親執爵賜潤德等又命世子行  
酒仍命潤德勿起受酒命軍官相對起舞潤德亦  
酒酣起舞同上

韓

忠成公明澮建議吾東方當三國鼎峙之日有十

萬兵本朝盡有其域而軍額反不及請盡刷漏戶

隱丁編之行伍上泛之有司務欲增額一家十

丁簽九為兵民不能堪公啓兵務精不必務多請

停之

上稱善

狀行



宣

文簡公

作其外祖司宰監正朴弘信傳書其後曰

昔魏相諫宣帝之言曰敵加於已不得已而應之  
謂之應兵兵應者勝爭恨小故不忍憤者謂之憤  
兵兵憤者敗今對馬之師將謂之應兵乎將謂之  
憤兵乎倭奴在高麗時雖屢侵犯及我朝之興堂  
堂廟謨封守益固海寇竊發浸不如昔且都豆晉  
延平之賊非故為我來也得米酒輒解而去信如  
是則非若撒狁之候偏京邑宣王不得已而應之  
之比也彼成吉之目醉不能拒不足論也思儉濫  
叨推轂為方面之帥而見圍於殘寇覲以犒遺而  
得脫此則遑將之不得其人也朝廷之恥大矣不

此之患而爭恨小故卒興六月之師遠涉重溟之  
險伺其空虛欲俘其耄倪此憤兵之尤者也古語  
有之千鈞之弩不為鼯鼠發機唐太宗曰小國勝  
之不武况未可必乎彼對馬之衆不過吾之一小  
縣而梟健者皆赴江浙今調三道精兵付之時所  
謂方召者而又以寵宰為都統一舉而卒困於一  
小縣匹羸之衆何其示弱而不武之甚乎且邀其  
歸路之策尤為踈矣江浙之賊其還也不可逆定  
其期日茫茫滄海之中何地有據險阻伺之便乎  
縱值其還吾船遲重賊舟輕迅帆風飄忽一步一  
瞬之頃而蹕千百里寧可幾其相及乎當時謀謨



諸公皆元勲碩輔為國深計者而許公伉直足以  
回天意也乃反縱吏成之何也吾祖身為禍禪制  
在于人然於危急之際不啻已便而能橫身以當  
虎喙且免士卒以生地真得我臣死綏之節凡吾  
為子孫者可悲也而亦有可慰者烏茅為當時大臣  
惜也讀聞  
項錄

對馬島舊屬新羅不知何時為倭奴所據按世宗  
朝己亥五月倭船三十餘艘八寇于庇仁海州等  
處上欲乘虛擊之命領議政柳廷顯為都統使崔  
潤德為都節制使親餞于漢江亭發慶尚全羅忠  
清等道兵船三百二十七艘一萬七千人賁六十

五日糧渡海至對馬島知浦賊皆遁逃乃攻奪賊  
船一百二十九焚賊巢二千斬首虜并二百餘是  
後也五月二十一出征六月十七日發船七月初  
三日引還苟非神筭不測何以迅疾若此亦可  
見祖宗兵力之盛矣今國家自經壬辰變後專  
力於舟師而三道兵船僅九十餘隻戰具水卒又  
不齊整倉卒難以取勝可歎

芝峯  
類說

壬辰變初巡邊使李鎰到尚州不明斥候人告賊逼  
鎰怒其惑衆斬之以徇故賊已入境而無敢告者  
鎰聞賊砲聲始出屯城外賊兵滿野我軍驚潰死  
者山積鎰僅走免時副元帥申砬任忠州金牧使

汝功在軍中請把截烏嶺砦不從乃背潁川而陣  
賊逾嶺直搗我軍流尸蔽江砦亦赴水死二人乃  
一時名將而臨事齟齬如此蓋其素不習戰故也

同上

我國平時中外軍額十八萬零戶保通計則無慮五  
十萬而自經倭寇見存僅六萬雖年年設去充定  
而絕戶流亡者尚多未充至於京外哨軍不過數  
萬而元軍及公私賤並入編伍實數亦少緩急難  
恃極可寒心是雖亂後生齒不敷實由士族閑遊  
者衆而應役之民寡故也若非大段更張恐無善  
策為國者宜致思焉

同上



吾東方在三國鼎立時號為強國唐人謂高麗善守  
城又謂攻城必取未有如高麗者至今兵力單弱  
非但不能取於人亦不能自守何也唐太宗時高  
惠真以十五萬衆救高麗以瓜分之地而軍衆如  
此今三朝一統而當國者每患無兵嗚呼是豈理  
也哉

同上

前朝時紅巾賊十四萬水渡鴨綠江直擣松京前鋒  
與羽報偕至恭愍王避走安東合諸道兵二十萬  
僅得平定云可見襄麗兵力猶勝於今日也在平  
時嶺南軍兵十餘萬而壬辰變初余以防禦使從  
事官赴嶺南則軍兵潰散無一人至者招募累日

只得數百步卒而已況今國力又非壬辰之比二  
十萬兵倉卒何從辦出可為寒心

同上

養兵以養民為本不養民而能養兵者未之有也我  
國之兵不為預養而倉卒調用遇敵崩潰勢所必  
至雖使韓白為將亦無奈何壬辰之已事可鑑今  
內而訓練都監外而諸道列邑設砲殺東伍之制  
視往時軍容稍若可觀而民力已竭倒懸日甚既  
失休養生息之方恐無緩急效用之實任事者盍  
亦思其本乎

同上

咸鏡北道士馬精彊甲於東方自亂後坐蓋日耗土  
兵凋損重以近歲癘疫死者殆且數萬比平時存

者不滿十分之一且本道武士終身苦戍不得登  
仕於朝以故不樂赴舉絕無控弦之人古語曰徵  
兵滿萬不如召募數千士兵如此緩急何恃可為  
寒心

同上

壬辰設訓鍊都監以柳成龍為都提調初平壤之復  
也上詣謝都督李如松問天兵前後勝敗之異  
都督曰前未北方之將恒習防胡戰法故戰不利  
今未所用乃戚將軍紀效新書禦倭之法所以全  
勝也上請見戚書都督秘之不出上密令譯  
官購得於都督麾下人上在海州以示柳成龍曰  
予觀天下書多矣此書宗難曉卿為我講解使可



效法成龍與從事官李時發等討論又得儒生韓  
嶠為郎專掌質問于天將衙門及上還都命設  
訓練都監成龍為都提調武臣趙倣為大將兵曹  
判書李德馨為有司堂上文臣辛慶晉李弘胄為  
郎屬募飢民為兵應者頗集趙倣設法以限之能  
舉一巨石能超越一丈牆者入格旬日得數千人  
教以戚氏三手練技之法置把總哨官部分演習  
悉如戚制數月而成軍容上親臨習陣此後都  
監軍常宿衛扈從國家賴之成龍仍請措置糧餉  
如募兵一萬於京城置五營營置二千每年半留  
城中練習半出城外擇閑曠之地為屯田轉環替

代以厚兵食之源而益固根本 上皆從之事竟不

行

宣廟  
寶鑑

壬辰賊兵雖退而東萊釜山之間猶屯據自如無渡  
海意先生上扶言此賊盤據腹內天兵又不可恃  
宜及此時上下戮力以為自彊之計急抄精兵與賊  
憤戰心膽已堅者分配猛將常加操鍊以備不時  
調用且賊之所恃以全勝者惟鳥銃耳我國亦日  
夜訓練使軍士無不學習則賊之長技我亦有之  
矣又言及此浙兵未還之前大砲狼筈鎗鈎器械  
一一傳習以一教十以十教百以百教千則數年  
之間可得精卒數萬賊來可以待之矣仍擇丁壯

者送浙江叅將駱尚志習大砲諸技

西厓行狀

柳西厓成龍論兵則曰禮樂而已事得其序之謂禮

物得其和之謂樂百萬之衆分数整齊非禮而何

萬人一心無間可乘非樂而何

行狀

上出幸時見一小童在于下初以為觀光之童更視

之則乃軍士也上惻然下教如此兒童心欲不

離慈母之懷干戈之後豈其所堪予見此兒心

懷不寧夜不能寐余以不敏叨居君位致有此事

尤可恨也兵曹黥閱軍士如有年未滿者則皆可

還送待年立役也予寧失數千之兵不忍使兒童

立役也兵曹乃募軍卒自言其年使之下歸軍卒



雖幼穉者恐還鄉之後被守令更定苦役願歸者  
無幾矣

東谷外集

我國軍政不修軍無部伍將不知兵行師之際殆同  
兒戲以如此之兵遇賊而敗輒行軍法則勢有所  
不可故國家不復究問一以姑息待之敗軍之將  
棄城之守無所責罰或有位任如故者然如此姑  
息如此解弛則雖與之天下不可一朝居也雖倭  
賊自滅亦無不亡之理也臣聞皇朝兵制自什  
伍以上管轄相承分數明白號令一發雷行風動  
萬人整肅蹈赴白刃至於軍禮相接極其嚴畏統  
制所臨輒至庭參以常時名分素定等級難犯故

也我國則不然兵使通關于巡察視為等夷相遇  
之際平揖如常交節制所加頡頏不勝皆無如之  
何又因此而不相揖睦各不相下為朝廷憂此良  
由朝廷未嘗定為明法使奉命無二故也請自今  
著明節制相承之令諸帥相見之禮頒下軍前使  
之一依 皇朝之制如有違誤一一究治敗軍失  
守之人以軍法從事則庶見作新人心以戰以守  
而可以制勝矣

牛溪便  
宜啓辭

八松尹煌當丙子秋上劄曰臣以前日所言陰雨之  
備也今則禍機已迫燃眉之急也請 陛下先發  
宮掖近習之少壯者次發宗室百官之才俊者次

發儒生次發吏胥次發市民次發公私賤則國都  
之中可得數萬人四方選兵亦用此道先發豪門  
盛族後及小民則孰敢怨咨孰敢規避如是則十  
數萬精兵不勞可得

碑銘



議論反覆

黃李沃牧使璞之子也已卯歲趙文正諸公既被竄黃訪余兄叔均曰吾欲上疏救趙大憲等已具稿矣子其寫之出諸袖中示之曰疏意若何答曰此疏甚喜非公好善安能及此仍極口勸之黃不寫而去數日與尹世貞李耒等連名上疏其大要曰趙某爰亂舊章朋儻誤國請置之法趙公以此遭禍蓋黃作兩件疏先以教示余兄見其與已不合故不寫而去其奸譎之狀可勝道哉

雜記

金鶴峯誠一剛直敢言宋判書祺壽以特進官詣經筵其子應澂以玉堂應澗以注書同入侍講畢語

及乙巳事宋公泣陳其冤枉之狀悲動左右鶴峯  
亦以正言在筵進曰棋壽在乙巳間附麗權奸至  
錄偽勲享其富貴二十餘年及今聖明在上公  
論大行乃以悲辭苦語指陳其冤欲竊公論之名  
真小人情狀也棋壽惶恐而退三父子一時引疾  
聞者縮頸而公辭氣自如

荷澤  
野乘

介

清往拜竒大升請師事之大升曰汝文理已通何

必學於他人拒而不納介清辭退坐客問曰公何

拒之甚耶大升曰君不見其容貌乎決不可親近

者也介清不勝慚憤即上京因沈義謙洪仁慶求

見并淳淳留置即方教其婿李希幹及子侄等介

清亦受學於淳淳愛之如親子第幾十餘年薦為齋郎

介清之於淳義則師生恩猶父子及淳失勢後介  
清反附時人欲掩其跡時往淳家致其款意人莫不  
痛憤淳猶不疑待之如一有言於淳者則淳輒怒  
曰鄭介清豈敢如是乎一日介清往謁淳于永平  
白雲山下淳問曰汝自何而來介清對曰自務安  
本家來矣淳曰自此向何處介清曰與鄉人同行  
不可先後今日入京留數日還家矣淳女李希幹  
妻朴氏令女奴問介清去就於其僕其僕曰某月  
某日離家來京留二十餘日今始來此矣女奴曰  
然則以何事久留京中僕曰如我迷劣下人不知  
其由側聞谷城有闕吏曹判書約以除授故昨日



午後往判書宅昏時辭矣判書即李山海也未幾

介清果除谷城淳之曰介清本微賤若不乘時

附勢難以立身何足恠乎

梧陰雜記

尹判書國馨為承旨將詣經筵尹恭原卓然亦以特

進同在賓廳時王子漸橫恭原方為刑部尚書極

言王子受賄擾刑獄之事國馨入對言之上問

所從聞以聞於恭原對上顧問恭原恭原見上

色不悅恐忤旨對曰臣所不知上怒黜為尚州

牧沈聽天守慶退謂恭原曰公極言王子事吾亦

願聞公宣忘之歟恭原面赤不能答恭原之反覆固

不足言聽天之不能誦言於上而退有後言亦

失勿欺之義矣

荷潭野乘

賊臣鄭汝立全州人博覽彊記貫穿經傳論議高激

踴厲風發見粟谷為時所推重傾身事之執弟子  
禮至有孔子已熟底柿子粟谷未熟底柿子之論  
粟谷竒有才近譽之遂躋清顯名聲籍甚粟谷既  
卒汝立見時訖漸愛遂肯之諂附李發兄弟一日  
上問李珣何如人羣臣未及對汝立極言其短不  
遺餘力上深惡之曰汝立今之邢恕汝立怒目  
而退棄官歸全州屢徵不起武斷鄉曲潛謀不軌  
事發自殺

同上


辛未金堊適而尹昉復為相人言尹公必不能崖異

以失。上意故也。其後追崇之義復作。昉外隨朝  
論陽為廷爭。而內則陰主。追崇一日。同卿宰在賓  
廳。謂余曰。朝廷若力爭。則上必先從。余曰。相位  
意如此。則宜苦口竭誠。期於回天。誰敢禁止。尹默  
然。諸宰皆微笑。李貴詆相臣不當廷爭。罵辱張維  
言辭甚悖。以張維主廷論也。李廷龜作色曰。此非  
一家事。朝廷公會。安得慢無禮如此。昉怡然。余謂  
人曰。今日始知尹相之量為大也。羅萬甲曰。此安  
得為量不過。無廡恥而然也。余訪崔完。咸尹之孫  
坵。時為獻納。與崔議定爭。啓辭。余笑謂崔曰。公既  
主追崇。廷爭文字。則不可指揮也。坵色變而起。及



金光炫姜碩期等被罪張維謂余曰事至於此可  
 停廷論不陷上於過舉余曰到于今日雖心主  
 追崇者不敢發之於口以取迎合之議張深以余  
 言為然而李聖未遽寢其說以順上旨噫人心  
 不同如其面焉者真格言也

同上



報應

李縣令公獐觀察使尹仁之子也娶叅判朴彭年女  
合鰲之夜夢有老翁八人來拜於前曰某等將就  
死公若活湯鑊之命則有以厚報李驚問之則饗  
人將以八鰲調羹即令放于江流一鰲逸去小溪  
持鉶以捕之誤斷其頸死焉其夜又夢七翁來謝  
後李生八子名之曰龜鰲鰲鰲鰲鰲鰲鰲鰲鰲  
皆有才名人比之荀氏八龍鰲字浪翁行義文章  
尤為世所推以佔畢齋門徒死於甲子之禍其驗  
尤著至今李氏不食鰲鰲余娶李氏即浪翁之玄  
孫聞其甚詳

說  
滄溪  
記聞



濟州舊俗不葬其親死輒委之壑奇公處未上任先  
勅州牧備棺擲教以歛葬州之葬其親自公始一  
境歎服教化大行一日公夢見三百餘人拜於庭  
下叩謝曰賴公之惠得免暴骸無以報恩公應於今  
年生育賢孫先是公之孫三人皆無嗣果是歲公  
之子掌令軸生子曰禰官至應教禰五子迺迺遠  
進迺迺迺迺迺迺迺迺迺迺迺迺迺迺迺迺迺迺迺  
華府使迺迺之子大鼎掌令遠之孫孝謹皆伯君進  
之子大升大司諫迺迺稱服齋先生大升補高峯先  
生皆以道德文章冠冕士林服齋之子大恒判尹  
又其孫某今領議政吁盛矣

神道碑銘

李憲平公封牧隱之曾孫也有文名性嚴毅人莫敢

干以私嘗為刑曹判書按獄之際用法頗峻以此

冤死者亦多同宗士亭李公之姪常言憲平身歿

之後于今百有餘年其子孫微弱僅免流丐宣非

峻刑之報也為刑官者不可不慎余再為刑判每

思士亭之言瞿然惕慮豈非一助也

竹隱閑話

柳武靈子光嘗在廢朝始構害士類使廢主繼嗜殺

戮者全由子光也士林切齒反正後以首叅密謀

有推戴之功公議未發一日子光以都總管將八

直軒從已具整服束帶而坐棄舊扇索新扇手執

見之扇面細書四字曰奇禍立至大驚異默然良

久將出忽有吏未報曰臺諫交章請罪云未幾得  
先竄流湖南未宥而死子軫房皆竄北道以死此  
理未可究也雖假人手豈非天也

思齋  
撫言

世

傳鄭雲程嘗竄謫武靈君獅子先素嫉公以毒藥

納囊送而且語曰公之此行恐終不免持以自處  
可也公受而藏之公放還子先被罪亦謫公乃以  
所藏藥囊送之曰此持前日贈我者謫中所須故  
今奉還矣予恐傳之者之誤問於永叔永叔曰人有  
橫逆於我蓄心不忘固非君子之事假使以直報  
怨亦不當如此也

丙辰丁巳錄

安相公塘平生好食鱉有時求諸三江之漁夫亦有



聞公之所嗜而來獻者公之未發禍之前有小鰲  
如銅錢於廡下抹樓及內外庭中散行無數不能  
盡除置瓦於庭中拾而投之滿則負瓦放之於江  
纒及周年公之子處謙被誣而誅公亦緣坐而死  
禍之生非由鰲而是亦鰲妖也

私窩  
雜記

趙光祖等以所學之正又得君之專一朝芟夷鋤除  
畧無顧惜何也凡世主之於臣下其貪淫邪毒皆  
不深惡獨以勢逼謀危為說則雖明哲之君罕不  
陷其術中而姦得以一網打盡光祖等之死正坐  
此耳厥後庚寅年沈貞謫江西尋賜死其子思順  
又死獄中人皆以為金安老謀殺之安老果與有

宮

力為然沈貞一時被罪者固多矣獨於貞也中  
廟必殺之又杖殺其子於獄中則宣獨安老之所  
能為哉先是國舅尹汝弼泣謂沈貞曰東宮崔胤  
之愛恠矣沈貞遂以其說白於經筵朴氏之禍遂  
肇於此朴氏未廢之前宣不諧沈貞而必欲殺之  
也及安老勢成之後論殺朴氏母子世人徒知朴  
氏之禍極於安老而殊不知貞也實倡之也此必  
中廟常蓄殺貞之心特因其機而發之耳貞及二  
子皆不得其死南袞無後景舟外孫以王子遭慘  
禍天之報施亦可謂昭昭矣

海東野  
言別集

趙靜庵文正公之賜死也金吾郎柳渰有迫促之意

公噓嘻面歎曰古人有抱教書伏哭傳舍者何其  
異耶吁一言使哽塞雖奉王命何忍逼迫過十年  
柳之子橫罹門禍非命而終雖非門孽無乃坐其  
父不緩大賢人須臾之死耶抑亦天道好還假手

於人者耶

竹憲  
閑話

安

斯文彭壽家在海州為養老親乞邑為延安府使  
一日有民因私憎誣指良民為盜賊來告于官安  
公乘醉命拿致被告人三父子于庭蒙然不辨任  
吏自為吏受誣告者贈賂構辭羅織從杖亂擊片  
時殺盡三命乃已余時為監司得詳其由理申其  
寃以濫刑啓聞罷歸海州田里己卯憂起後朝廷



尹

以非罪見罷特除禮曹叅議赴召行至延安宿東  
軒夜半忽中惡流血滿席暴死自古枉殺人命者  
必受陰報未或不然亦可以為聽獄者之戒思齋  
撫言  
校理潔與綾城尉具思顏為慈竹交安名世之死  
具有力為尹心寬之一日與思顏飲於蚕頭問曰  
名世坐何罪以死因賦詩曰三月長安百草香漢  
江流水正洋洋欲知聖代無窮意看取王孫舞袖  
長思顏詣闕奏之文定震怒命棄市尹之就囚  
也道遇思顏呼之曰具君是誠何事歟思顏鞭避  
之馬驚而墜即死思顏之誣構也自以為得計宣  
知其死力先於君也詩言不畏于人不畏天信哉

活溪  
記聞

尹元衡領敦寧之任子也得志之後與三五同惡之

人結為心腹盡將平生所怨悉置之死地威權既隆四方賄賂輻輳其門京中第宅至十六奪人臧獲田土不可勝記一時生殺予奪皆出其意又以其賤妾為夫人朝士之貪勢利者與其妻子女為婚幸賴公議不泯至二十年乃得聲罪斥黜未幾死

宣非宗社之靈默佑於冥冥乎

稗官雜記

尹元衡具其夫人可去狀上言以離之妾蘭貞頻以食物遺之最後聞其病饋食醢既食煩懣即逝人以為置毒尹既被黜蘭貞傳聞法司將拿問自縊而殞元衡亦尋死尹之毒殺無辜有幾許人今得此報

折亦晚矣

同上

梁允溫坐尹任謫海南彥慤為全羅監司以允溫出  
入官舍狀啓拿來死杖下彥慤復為京畿監司落  
馬一脚掛鐙不脫馬且奔且踢頭腦及骨節破碎  
而死人咸快之以為天道有知

東閣雜記

卜者洪繼灌箕成安公造化一生吉凶禍福纖毫不  
差至於棄世之年月亦皆言之公以所經之事無  
不吻合至其年豫為身後之具以待洪卜適以事  
往湖南逢人自京來者必問公安否一年已過公  
姑無恙洪大異之還京即往公宅公曰吾信汝卜  
自分命盡今年何以不驗洪曰推公之命盡其心



力宜無差謬而古人之有以陰德延壽者公之厚  
 德必有是也公曰豈有是哉但修撰時既直還家  
 路上有紅袂取而見之乃純金盞一雙也默而藏之  
 掛榜闕門曰某日有失物者訪我來翌日一人來謁  
 曰小人乃大殿水刺間別監也子侄有婚禮竊借  
 御厨金盞而失之已犯死罪後日現露則必伏法  
 而誅矣公之所得無乃此物乎答曰然出而給之  
 洪曰公之延壽必以此也後十五年而卒

銘名臣

庶孽姜文祐改名應舉僞着直講車軾典籍安海名  
 署海欲告官軾止之曰文祐往年削其科今又削  
 之不祥吾寧受辜不忍發海竟發之削其科錮其

舉明年海目疾表明人謂積不善之致德軾而薄  
海庶孽鄭蕃中謁聖及茅狀頭唱榜臺諫論之削  
其科蕃擲抱笏而出曰人之為不善灾必逮子孫  
言官之削吾科者殃其及子孫乎其臺諫有獨子  
明年死人皆曰天道好還甚可畏也吁今之諂附  
權臣一敗非但如鄭蕃之才亦多殃及孫子尤可  
畏哉

野於談

余為黃海監司時有一文臣堂上權勢熾然貪饕無  
厭膏防納黃州司宰濟用等監貢物元定價木五  
十同而兵使鄭沆欲為媚悅加徵丘同輸送于其  
家其人無意備納兩監催文絡繹於監營監司提

致色吏每加刑訊卒州送人於其家催納則輒以  
官威因禁不敢開口者既至三年鄭沅還歸兵使  
權餘慶繼來亦承風旨不敢可否判官慎守乙多  
備土物滿載一駄折簡哀乞則盡納其物而亦不  
修答守乙逢人輒說其人聞而惡之喉臺諫駁去  
餘慶更徵五十同之木於民間時方窮夏怨譴明  
興余嘗憤其為人癸亥反正初余又為忠清監司  
其人奪占民田洪州天安牙山溫陽等地廣設屯  
田多至六處積穀累千時朝廷行文列邑毀撤私  
屯所人接之後一時逃散穀物牛畜沒入官家聖  
化維新公論方張其人父子分配絕徼又出蓮口



父子并係牢獄家產蕩然甲第三區受其廬價盡  
賣權貴之家久乃得免還發配所大翁戾於謫所  
今雖放還流離湖右窮悴僅存天道神明足為貪  
婪者之戒

付憲  
問話

後自警編卷之十

制勝

吉州人李施愛唱亂判書聞即除公節度使公方守  
 喪不敢辭翌日陞辭大軍至居山驛前賊鋒已據  
 蔓嶺中峯我軍仰攻矢石皆不及賊則居高下瞰  
 矢下如雨死傷過當公入軍中見魚有沼卓鞭指  
 示曰沈海一峯隆起聯絡蔓嶺若使敢死士數百  
 乘不意得上狂賊坐受縛矣非公則不能耳有沼  
 唯唯遂潛師魚貫緣崖而上望旗幟鼎鼎林木間  
 公在中軍手援將督戰賊皆屬目有沼兵已到中  
 峯萬衆齊呼松風海亦助聲勢賊陣動不能校梧

士馬填軌聲如萬雷施愛跪請將欲急追公曰吾  
脅中已縛施愛自古元兇失勢其下相顧以覲富  
貴施愛之頭將至貧從之徒皆吾赤子宜容窮兵  
多殺數日李絳等縛施愛至軍前

許琮碑錄

吉州人李施愛謀叛龜城君後為都摠使石贊成曹  
錫文為副往討之魚囊甫公世恭為觀察使官軍  
鎮洪原縣夜聞賊來襲都摠使欲移陣避之公曰  
今入賊境人心危疑主將若動無敵自破我軍雖  
少皆是精銳安可示弱予乃止明日都摠使又聞  
賊要夜襲之欲退陣咸閑嶺公不可曰大軍在賊  
後賊必不來縱使之來彼此夾攻為我擒矣今若



夜行賊必來截其敗也必矣遂止明日逾嶺賊果  
 伏兵欲絕輜重官軍逐之乃遁其臨行料事如此  
 仍平分咸吉道為南北而移公為北道觀察使遂  
 安壯方時年三十六

稗官  
雜記

鄭翼惠公蘭宗守北門也急患風眩不理軍務者逾  
 月于時北狄尼麻車之部聞公病謀欲入寇公詔  
 知之力疾而起與僚佐籌之曰兵有先事攻心之  
 法此可以計撓之乃聚城底胡酋數十人語之曰  
 有朝旨令節度使將五鎮兵討尼麻車以懲前日  
 寇邊之罪爾等亦當從軍因與約為期日而遣之  
 尼麻車聞之怖以為大軍將至逃竄山野遂失耕

獲馬蓄多斃數歲不敢窺遑僚佐服公機智欲具  
由以啓又止之曰職所當為何煩聞為

銘碑

元帥曰今日之策有二賊入都城廟社南遷國之

所賴以中興者其策在我況今都民未必專附於  
賊至有觀望成敗者若小遲一兩日則人皆堅意  
向賊雖有八路之兵攻之未易及此時決一死戰  
一也催李曙兵守東路申景禎兵守南路四面把  
守絕其餉道待諸道兵併力擊之務出萬全二也  
二者何居焉鄭忠信對曰諸將不能戮力討賊賊  
犯京城君父播越罪合萬誅已事急矣不可訖  
寇無論成敗賊下一戰烏可已也况先據壯山者

勝官軍據鞍嶺而陣則其勢當俯壓都城都民之  
 觀望者若知元帥大軍已臨鞍嶺其勢必當內應  
 且賊不可不出戰戰必仰攻得其形便陣脚甚固  
 則破賊必矣老爺督諸軍鱗次而進可於明曉齊  
 到鞍嶺計無逾於此者南以興曰今日之策忠信  
 之策為景願帥府速決崔曉金時讓李敏求金起  
 宗亦贊其計元帥一言而斷忠信遂跨馬先出諸  
 將無異辭

西征錄

李忠武公舜臣嘗在陣晝夜戒嚴未嘗解甲而卧一  
 夜月色甚明公忽起飲一盃悉召諸將曰賊多詐  
 謀無月時固當繫我月明亦應未不可不警備遂



狀行

吹角令諸船皆舉碇俄而候船告賊未落月掛中  
賊船從陰黑中來者不可勝數中軍放大砲吶喊  
諸船皆應賊知有備遂不敢犯而退諸將以為神

通下情

金鶴峯誠一特授羅州掾地也恐民情或有壅闕置

一鼓於門令民有冤者過之民得以自盡焉

銘碑

栗谷先生嘗入侍啓曰命令不行之由亦可以今夜

卜之君臣之間當如父子上下交孚然後事功成

矣今者八侍咫尺之地而自上尚不開懷情意阻

隔如此况於千里之外命令宣通乎應琬曰陰陽

和而雨澤降萬物遂若殿下徒為淵默則上下

阻隔矣上乃言曰以予為不言者是也然別有何

言乎今者所言皆歸重於予之身自顧無似固不

能興治道也是以不言耳

栗谷外集

一、



濟人

黃烈成公守身自少已有大成人之量方五六歲時與羣兒嬉戲有一兒誤墮井中群兒駭散毅然不動聲鮮衣濡足以拯之翼成聞之已知有濟物之

志碑銘

李孝翼公俊民在寧越時有一書生請見曰方讀書雉岳願得三年書糧公不復問其姓名輒與之復告以運致為難即使人輸送後公長而銓而其書生為佐貳曰我曾是乞糧生也公始知之扶行李相國恒福年十二三時已負好氣義有疎財濟物之志嘗看新襦隣兒有衣弊者見而欲之公即解

而與之又嘗脫所着屨以與人跣而歸母崔氏欲試其意陽怒呵之公對曰人有欲者不忍不與崔

夫人歎曰此異事也

名臣錄

栗谷先生田常以溫恭慈愛惠人濟物為心若其侵

人害物之事一毫不可留於心曲

擊蒙要訣

鄭秋齋之雲友人宋翼弼為仇家所嫉闔門遭禍無

所歸公舍養之餘十年人以為難及

東儒師友錄 穀所撰墓碣

李士亭少孤及長婚毛山守鰥之翼日出而暮返家

人覺其新袍三問之則過弘濟橋見弓兒凍吟割

而今之衣三兒笑問者異之

東儒師友錄

金鶴峯在髻齒嘗與群兒共遊層巖上一兒失足墮

地他兒皆驚散公即奔告使及救活聞者異之比

之擊甕事

同上

鄭叅判協壬辰倭亂幸家屬避亂到一律頭舟人索

高價贖舟彼岸有士族流離者奉老親屯聚江邊

終日不得渡公見之惻然招舟子即解行橐盡給

衣服又代給士族者之舟直先渡士族後始濟家

屬舟人義之欲還其直公不受其士族邈然曾不

相識又不知代給舟價舟人言之始乃驚歎不覺

感泣而去其恤患之義濟物之仁天品自然少無

作為尤難及也

竹窓閑話

成石田輅友人子被俘於倭欲贖無銀公為之解裝



以五六銀器與之其輕財重義如此名臣

柳夏亭聰明過人平生所學終身不忘每當中夜誦

其文思其義常以濟人為心故欲作橋梁院宇者

雖僧徒即與錢帛好施於人雖至微物不取諸人

常言朋友固有通財之義然慎勿干索可也名臣

憂民

退溪先生八侍夕講 啓事時有籍軍之舉先生啓

曰綏經山陵又經天使歲且未於籍軍非時也仍  
於榻前出劄展讀大意以為搜兵補闕在所當急  
但去年以來 國恤山陵鉅役連仍八天使踵至  
民生困弊今年又有風旱之災飛蝗蔽天四方憂  
灾恤旱之報相繼不絕國家未嘗發一彌出一政  
以為救民之計方且家搜戶括資驅侵督急於星  
大邦平寧不動搖臣愚以為不如姑亭以待年登  
民息而後為之於義為得上納之命停軍籍

東儒師友錄

賦

後之重在古無比四民之中農為最困且諸色軍

役苦歎不均近緣政失便宜民無恒產歎者僅存  
苦者流離侵及族隣展轉蔓毒一人逃役闔里盡  
空根本日傷元氣日耗有不勝其憂者矣差科之  
下逮捕之際驅催程督愈往愈酷遍及於深山窮  
谷之中哀我赤子憔悴於窮餓之水火愁冤痛苦  
有忍不言豈但監門鄭俠之苗為可流涕而已哉  
臣每聞烟火久絕追呼旁午未嘗不感然動心而  
彷徨太息也臣聞故老之言祖宗朝貢法簡而不  
煩至燕山荒徭昏掾大張暴斂斯作乃取祖宗  
宗時貢素而毀之以籍人口自是之後相承七十  
餘年莫之敢議認為先王之典使當時嬖幸流毒



百姓者迄于今而未已豈不痛哉嗚呼由今之道  
無變今之法則雖使死孟論道於內亦無匡時救  
民之術黃龔接武於外亦無承流宣化之地矣牛溪

辛巳  
封事

申象村當虜使入境疾革氣將絕聲在喉間問虜使  
還否且曰旱灾如此民何以生天之降灾吾等之  
罪也吾死而天雨則無恨矣行狀



無嗜好

李廣陵克培於物無所好只酷好書史常手不釋卷  
至老不倦自奉儉素食無萬錢之費衣無五綵之  
備未嘗以歌舞管絃為娛常曰我或不得已對客  
聽樂則終日茫然自失若犯重罪然也行狀  
白休庵仁傑平生無嗜好未嘗畜一物為已有居官  
不受騶直在兵曹取以施諸親舊之貧者服食麕  
踈凝塵滿席而視之泊如也神道碑  
柳西厓成龍於外物無嗜好衣服飲食但期粗適不  
求鮮美視財利如垢膩恐近則污人暮年家食饘  
粥不充而處之泰然行狀



聰松先生平生澹泊無嗜好未嘗畜一物為己有有

不合於意者雖一毫未嘗取

墓表

李驪州綏祿平生無嗜好凡聲色貨財玩飾紛華之

事皆不用也罷官歸家妻子不免內困居則處陋

食淡出則羸駢破鞍布衣不易人不堪其苦而公

甘之若飴

碑銘

謹言語

秋江冷話云先龜亭好酒多大略然謹言語未嘗少  
失好與客看棋終日不倦客問其故答曰生人有  
氣必有言語則不及朝廷鮮矣終日看碁可以避  
言語諱也人眼謹慎

金慕齋家訓第六慎言語曰勿誇已長而談人短勿  
談人過惡及隱微之事勿談國家朝廷政令得失  
勿言守令宰相朝官得失勿喜談滛褻醜語聞人  
善則喜而常談之勿毀人之語勿談傲慢侮人之  
言勿談反常凶悖之言勿講張妄謊言語離記  
河西金公平生未嘗輕易言語人或誘之使言則曰

言語不可不重雖飢寒之至亦不敢發諸口

河師附錄

權習齋擘先夫夫之最厚交也公少日與安名世尹

絜同榻相得矐甚及二人以無閑鍵取禍死公遂

括囊不言在一家亦不與人談笑終日看書而已

崔瀛崔浴昆茅以隣生受學殆一年不問其名及

登司馬乃知其為誰某用是官不大顯而七十四

享壽終不佞少日嘗見公來見先大夫主人問之

乃答言否則終日穆然而已其篤守如此

識小錄

退溪先生人有質問則雖甚淺近說話必留意必問

而答之未嘗應聲而對先生雖文字言語之間未嘗

有戲褻之語

語錄



趙月川程在山林未嘗談當世之事人或未言則曰

在山林則當作山林之語時事何與焉

東儒師友錄

栗谷先生自警文心之者言寡之心自寡言始時然

後言則言不得不簡

續王露

擊蒙要訣云多言多慮最害心術無事則當靜坐存

心接人則當擇言簡重時然後言則言不得不簡

言簡者近道



趙石礪云矻自少奇偉卓犖不與世低昂麗李見世  
配托青昏不仕入本朝尹鷄林江陵二府未幾  
托病卜居廣州之古垣村韜晦不見一日左相上  
洛金公士衡歷訪欲勸之一仕石礪穿濶袖布衫  
頂葦笠長揖不交一語上洛曰嶮疆是老故態如  
之何命駕而還石礪騎牛往來鄭金廣津二院施  
濟行旅嘗自吟曰騎黃牛傍青山蘆子其身彩一  
疋布也不直筆苑雜記  
權節者膂力絕人與南怡一時齊名光廟在潛邸  
聞之眩其茅容論大事節佯聾不應遂為韜晦之



術托以病狂終身不仕可謂不負其名者矣所著

有栗亭亂稿李栗谷為之序

芝峯  
類說

金珉字子脩登己卯壯元連迄己卯獄被繫幸免佯

狂不仕在家見人輒發狂語唯手不釋書卷晝夜

披覽飢不呼食寒不呼衣進食則食之進衣則衣

之而已廢絕人事

思齋  
編言

有處士趙廣輔識見高明佯狂自晦富燕山朝任士

洪用事朝廷亂已不可救一日憤怒謂松堂曰汝

武夫不可斬殺此奴子不殺則吾當殺汝松堂曰

斬一賊紓國患固所甘心後史書之曰盜殺奈何

處士笑之

丙辰  
丁巳錄

金先生宏弼為部叅奉時兕服百戲一依上官所指  
後生以其苟從合汚為嫌先生當時自知名重不  
欲自別於庸人非大賢以上固不及此矣先生始  
彌為簞翁曰雖逢大雨外濕而內不濡既而改之  
曰為名以露非渾然處世之道也觀此兩事則先  
生德器謹厚出於天性人禍所不及者而終不免  
天也

破開雜記  
南冥述

樂全漫錄云社稷令公諱世卿有三子曰琨迺豐縣  
監曰璉進士夷簡公諱瑛其季子也三君皆為名  
儒迺豐公筆法甚妙夷簡公受業於金湜之門已  
叩牖作為諸生寫疏伏闕白諸賢冤狀坐此停舉

者屢年未幾魁多士躋顯仕而遂自韜晦公退閒  
門却掃絕造請唯當官莅職一意奉公而已乙巳  
以後公卿舉被牛李之目而超然不染晚年有公  
輔之望而公已病矣世皆惜之云茂簡公筆法與  
金僉知魯齊名槐院奏本公皆書之而不欲以此  
為名未嘗為人操筆世間不多傳頃於順寧君景  
儉家見冊面勒題者夷簡公筆也金南窓玄成歎  
服不已

張

元帥彥良遭世昇平輕裘緩帶退然若無能者喜  
讀書每以書史自誤對人語未嘗及之

之為文也

名臣



李正憲公潤慶肯中恢恢有容有守有廟堂之姿有  
經濟之才與世不偶乃卷而懷之顧其出入塞徼  
練達軍旅則人見其大也遂以將才歸之莫有知  
其存諸中者而公亦不求知於人也

銘牌

鄭掌令希登稍長志學常以小學大學為律身施措  
之方每日端坐讀過一遍深有自得之樂恐人有  
知不事表襮全務韜晦惟辨奸嫉惡少無暇貸以  
此為恤人之忌或以不善之事有真使鄭公知之  
言乖隱公球譯聞此言深加戒責曰明好惡謹取舍  
乃儒者當先之務辨奸嚴嫉惡甚殊非韜養之道  
望汝韜晦不欲聞嚴憚於人也公承教日來專務

韜先唯恐不及

乙巳錄

河西先生乙巳冬以病棄官退居長城縣朝廷前

後除拜皆不就其為學主程朱之教研窮性理之

原心存禮法痛自刻責然務為韜晦平居不自表

異人視之若無繩檢者吟詩飲酒而已

附錄  
龜集

退溪先生深自韜晦雖專精學問而不發於言語文

字至於朋友亦未知道學之儒也及其年益高德

益邵克養既久精華自炳其實有不可掩者然後

學者皆治然尊師之

東儒師  
友錄

姜承旨緒議政士尚之子也陽狂隱於酒人乎每辭

兩展其足作謎語一日倒于路側小兒戲曰令公

勿路卧恐王貫碎也姜曰代以金可也時方太平  
李悟里元翼沈于下僚人未之奇也每見輒曰國  
家有大亂此人必灑泣以擔當人皆笑之至壬辰  
乃驗趙承旨俊金典翰弘敏一時俱有重名金陝  
川昌一問于姜曰趙何如人也箕踞而答曰我之  
姊也金何如人也跪曰我之師也及末年趙失其  
性處事顛悖然後始服其先見之明語溪  
記聞  
金長浦行剛嚴個儻不肯隨俗俯仰性又慷慨嫉惡  
如讐不能容人之過自知不免於世訴諧放浪以  
自混觀其言笑諧謔若無所拘檢而察其行則實  
無愧屋漏事遺



土亭目見安名世之赴市則周遊海島佯狂迹世是

皆廊廟大器濟世高才鴻飛脫戈枯落巖壑東儒師友

錄本止重宰果

牛溪先生世居破山隱德不仕屢徵不就晚年承

召上來不久還山杜門養病學問高明踐履愈篤

與栗谷為道義之交講學之外不及世務知世之

不可有為日思韜晦屏居林泉齋志以沒焉東儒師友錄

金艾軒諱時猷余從兄也邃於易學眼高一時雖彌

為知易者未嘗許也辛卯歲以兵部郎鎖直禁中

劉節度克良亦以衛將入直一夜設危酒食生棗

侑觴因及萬物生植之理劉綴談陰陽變化之妙

達於天地有形之外其說不窮艾軒以驚眼醉不  
能盡其說晨起往叩之則劉驚曰寧有是哉醉裏  
狂言醒不記也吾武人安知易理竟不肯言壬辰  
劉死於臨津之戰艾軒晚年每惜其與義不傳歎  
息不已

荷澤  
野叟

成石田輅少與鄭松江契松江敗後遂棄世鰥居數  
十年惟逃於酒一葛一裘常不完或入城則必騎  
牛持杖閉目扮作瞽杖雖遇宰相不避一日大醉  
在馭薪牛上過鍾街李判書廷龜過去便開目揮  
杖曰聖徵何往李公住興久立致慙慙而歸行路  
驚異蓋奇士也嘗有詩曰白髮平涼子生涯爛醉

中世間知我者惟有主人翁

梁錄全

賊臣爾瞻李公綏祿之從姊夫每以美言啖公公一

不應一日抵公書以節盃爾慎樞機回頭來等語

陽為規戒而實餽之也公復書曰千鍾之祿未敵

一盃酒不盈眦之福寧當溢世禍公無我憂我為

公憂各從所好恐回頭無日耳爾瞻雖不敢害公

而之不置韓續男者爾瞻之黨而於公為聯戚公

醜之不相往來偶於人家婚姻會見公酒後歌帽

字呼公曰君帽危矣公嘻笑曰吾觀叔之頭甚危


尤可慎也續男愕然無以應卒如其言始與公遊

者見公放言無忌皆為公危之然終遠於禍機者



以公托於麴孽善自韜晦也其後乃知公向所為  
者非真狂而其狂為不可及也

碑銘清  
陰集



攝養

樂全漫錄云己丑先君寢疾逾年而逾調養數年得  
魏伯陽參同契究二十四候進火之法嘗試之頗  
有效且書已達事勿追眼前事隨方便未來事勿  
頗思以觀省焉

沈直提學逢源自以受氣不厚省嗜欲定心氣務養  
真源衣必稱兩食必計匙動息節宣各有常度故  
能勿藥有喜季年神氣勝於中身聰明能記少日  
所讀書不差築室華山之麓寓興花卉尤愛老松  
遍其堂曰友松自號曉窓老人杜門謝客人罕見  
其面有時杖屨苔階竹筵間白髮蒼顏宛若山澤



之矐家貧仰哺於祿每慚無事而食言及若無所容著說深得理趣雖自謂廢學其靜養之效亦不誣

也

名臣錄

鄭

止窓礪素患清羸常自按其病令蒼頭朝夕異劑

朝則必合口正坐待飲日出始啓齒出氣夜亦兀

然端坐達曉不寐非獨勤於修鍊玩心高明探頤

義理形如雲鶴風蟬

同上

吳

贊成譙家食頤神閉戶有書客至多不得見自以

多疾博涉醫方領悟攝生之要常以簡靜自樂飲

食起居皆中節宣居鄉與物無忤閭里欲衽無間

者享清閑之福者十有三年壽八十七而終

名臣錄

臣

宣廟初年夜對時李判書俊民入侍語及神仙事

上問世間果有神仙乎左右皆言其虛無公曰臣  
則見之矣左右相顧甚訝上坐問於何見之公  
對曰今朝見判書元混於闕下平生戒酒慎色年  
今九十顏貌不衰步履如飛此真神仙耳上為  
之改容

謠狀

金永暉字國舒家在光州石堡村里一生杜門養生  
頗愛修鍊家法統屋滿栽枸杞以其根枝蒸糞粟  
米作飯其葉實作菜作酒常自啖啜時見同好客  
至輒出而勸之余少小時得與從遊眉宇瑩然有  
山澤癯儒骨相年未六十無疾而歿

時庵漫述

李完平元翼童習時讀書過苦仍成胃症羸瘦骨立  
若不勝衣或疑非壽徵而保盡精氣隨以藥餌頻  
有酒量而未嘗酣暢嘗於西行偶有所昉旋即懲  
悟自此益遠邪色以至鮎耆康彊皆攝養有方而  
然也

謚狀



好生

尹代言淮少時有鄉里之行幕投逆旅主人不許止  
宿坐於庭畔主人見持大真珠落於庭中旁有白  
鵝即吞之傷而主人索珠不得疑公竊取縛之朝  
將告官公不與下只云彼鵝亦繫吾旁明朝珠從  
鵝後出主人慙謝曰昨何不言公曰昨日言之則  
主必剖鵝覓珠故忍辱而待名臣錄  
權宰相弘位極年高日以放情立壑為事嘗一夜夢  
一老翁俯伏泣訴曰洪宰相將殲吾族願相公救  
之權曰余何以救之老翁曰洪宰相必欲與相公  
同行苟相公辭之洪公亦不行是再生之恩也既

而有叩門聲驚覺問之則曰洪令公今日欲燒鰲  
於箭串請相公同之以此耳權以為夢中老翁  
鰲也辭以疾後聞之洪亦輟行矣

青版  
刻談

同

知趙賢範為廣州府尹厨吏朝夕所供乃鰲湯而  
亦公之所嗜也漁人至三四日闕獻厨吏告于公  
發文催促然後持三大鰲而來公使之連索封項  
授之厨吏將為明日之供其夜夢之有着加三囚  
同狀而訴曰當初吾類寔繁本無罪過而逐日被  
殺迄于今三十年餘而吾三人亦為被囚投伏於  
此廳抹樓之下明府幸恕之公即覺即招刑吏自  
門隙問曰同罪而被囚者某某歟刑吏曰囚徒中

本無同罪之人矣公招厨吏問三鰲所在厨吏曰  
置之官廳庫中而無之今不知去處矣公使之探  
諸北廳抹樓下則項封三鰲果在其下公大驚怪  
之即發健差馳往漁人之處今後勿復獵鰲雖有  
所得並令放之其在官三鰲公親往放江自此不

復食鰲

私寓雜記

尚成安公凡虫獸可為庭玩者則必放之曰飲啄自  
如物我同情滋味可供者則必求生道曰宣忍對  
生而思食乎

名臣錄

清江小說云先祖李靖公貞幹母夫人壽至百有二  
歲乃終或問能壽之由答曰不向日月便旋則壽



矣英廟朝有宰樞文繼宗孝宗兄弟皆以射獵名  
乃孝靖夫人甥也嘗邀孝靖共獵孝靖見一獐奔  
觸前來仰視孝靖良久孝靖憐而不射俄而產子  
孝靖遂自避以泯其跡又請與浦魚兩文相執網  
俾孝靖持筐孝靖見筐魚惜死噉喁者盡放之捕  
訖數魚兩文相戲曰後勿執筐可也孝靖子孫甚  
蕃有五子三女其次子諱士寬官至府尹追封領  
議政全城府院君即余之玄祖也府尹有七子而  
六子登科義長則武科禮長智長誠長孝長恕長  
則文科獨長子仁長早歿未第而仁長之子守柔  
武科孫繼福文科無異七子俱登科而誠長孝長

又中重試禮長恕長連策三勲其他蓋可推矣其  
外孤若許忠貞兄弟沈忠惠兄弟皆足母有敬天  
之心子有愛物之仁其積善之報亦不然乎

柳 泛愛祖認性至仁平生蚤虱不殺行則螻蟻不踐

夏日使人擁簣前掃糞虫見涸魚及遺生魚鱗者  
輒取而放水然至鷄犬相賊必代為之殺其愛而

能別如是

東儒師友錄

柳 叅議祖認慈仁愛物而濶於事情嘗道遇一坎水  
涸其中有數十科斗公憫其將死裹以手布行抵  
十里所遇深水投之科斗已死公悲之况曰嗟来  
科斗吾欲活爾之命而反致爾死非吾本心爾尚

知之又任伊川縣監有生致一獐于官前公不忍  
即使放之獐騰蹕而去繼出門吏人共殺而噉之  
公不知也

芝峯  
類說



憂國

許文敬公稠簡嚴方正公廉清勤動慕聖賢每鷄鳴  
與擗冠帶正坐雖終日不見情容矻矻常以國事  
為念言不及私論議國政自信獨守不與人軒輊

時補賢宰相

華苑  
雜記

許忠貞公琮天品極高加之邃學卓識神謀默斷出  
人意表平生以忠直自許論國家大事披肝瀝膽  
言不得行則結之流涕

名臣  
錄

姜文良公希孟曰宋朝朋黨之患起於寇萊公搏擊  
人物其流之弊雖程朱亦不免於黨今觀年少氣  
銳新進儒士日以搏擊人物為事弊將如何

華苑  
雜記

客齋李公末年憂朝廷歎曰士林各樹明黨非國家

之福此宋朝所以亡也常於絰帷極陳時弊謂將

有後日無窮之患其見士林則必切責曰君等自

作不靖此以羣邪反目竟至被斥又曰今人家有

寶器則皆知護措其提携必謹如恐失墜至於國

事縱心左右未有念其失手者是以國家大器反

不如其家之小器豈不戾哉

行狀

慶

公世仁家居見朝廷一舉措之善則喜溢辭色一

事不善則憂念終夕女婚李湛嘗泛容陪話公曰

此後十五餘年時事必不好正君登朝之時君其

慎之乙巳李公果以諫長被謫服公之明見

名臣錄

世傳靜庵作事無漸釀成矯激之習畢境自取禍網  
此未知靜庵者也先生嘗與成守琛許伯琦等論  
時事憂形於色云云則固非不識時勢而妄作也  
但如金湜之為人甚躁厲激成禍基後進之年少  
喜事目緣攀附者亦多先生已知其幾而亦將無  
可奈何耳野史之流

靜庵趙先生至謫所乃撤牆北隅坐必北向以舒意  
闕之懷每言臣罪當死上恩至重其向上之  
念憂國之態形於色發於言寢食不敢弛也集文  
白休庵憂國之誠至死不愛而才非適用只喜慷慨  
主論而已牛溪常語人曰白公之才比於園基則



有時高着可敵國手而有時亂着非可倚恃之才也

外集石

尚成安公為相十六年當尹元衡用事之時內外掣

肘不能行其志每一念至或中夜布席於庭中仰

面獨卧歎咤良久曰這翁今番行次甚為中間矣

清江  
小說

聽

松先生

成公  
守琬

一室圖書燕處超然人但見游心事

外若無意當世而其偶時憂國出於至誠往往因

書感事仰屋沈歎固莫測其為何如也

墓碣宋儒  
時友錄

李文純公視其愛君憂國之心雖閑居未嘗一日而

急于懷每聞朝廷一政事之失則憂形于色一舉

措之得則喜見于言晚年所慮非止於此深以輔  
養君德清源正本為當今急務每遇當世之賢  
士大夫言之懇懇不已

言行錄

退溪先生與鄭子中書曰本原之憂既然又今八道  
飢荒二邊有釁而聞有西征之舉若止為敵至策  
應之備則固不得已如其不然而先舉討罪之兵  
雖曰名正言順釁隙一啓兵連禍結奈無後段何  
此又莫大之憂諸公其必念之而非野外所宜言  
也

曹南冥不能忘世憂國傷民每值清霄皓月獨悲歌  
歌竟潸下傍人殊未能知之也

墓誌

鄭貞節公瑒事君無疑行臨亂不選事夷險一節可

質神明至於晚節又能奉身而退婆婆丘壑若無

意於世事者而至聞朝廷得失憂苦若在位任其

責者

東儒師友錄

朴退庵嘗語從子某曰仰觀天象兼察人事大亂不

久將作吾今老疾不及見恐汝輩終不得免對曰

今方聖明在上寧有此公曰此不可恃近日人

心漸忌國綱漸解隱憂已多况朝著漸有不平之

端而歷求其至誠徇國之人亦未有指此尤可

惧吾雖欲退居田里若當斯世有媒孽飛朕必赴

闕力論冀先塞其源不韋則當以一死相隨從子



問時事若至此大人安能獨為公荅曰古人有隻  
手擎天衛日者有一言而能逆折奸謀止百萬師  
者是在吾誠之如何而已大抵愛身則惜死惜死  
則為國事不得盡其心吾既不顧此惟當鞠躬盡  
瘁以荅君恩若其此身先死則天也奈何公歿  
未數年前革後進之間士論彗貳至於壬辰之亂  
宗社播越卒如公所憂

同上

重峯先生之持斧伏闕也寓于鍾樓街旁市民家先  
生晝夜遑遑常有憂迫之色主人問其故先生不  
荅惟流涕而已其家屋歛將倒主人用大木支柱  
先生自外還見之歎曰嗟乎主人之屋得此木扶

顧尚可支數年之久若乃邦厦將傾則誰為扶之  
將何物支之哽塞殆不能言旁人亦為之感動

事遺

先生嘗遊俗離山至一寺留止通宵不寐坐而待朝

如是者十餘日一夜忽伏枕悲泣朝而乃謂僧者

玄曰頃夜星爰甚皓時事可知吾安得不悲因放

聲大哭寺僧皆以為狂無何倭寇果作癸巳秋余

與姊夫蘭溪丈人往月出山道岬寺逢智玄年已

七十餘矣語余如此因歎息曰趙提督聖人也使

當時士大夫愛君憂國皆如趙提督則國事宣室

此境乎

同上

洪慕堂履祥出為開成留守曾有小筭在松楸相望

之地瓜滿直歸臨水構一軒日與鄉隣宗戚觴詠  
以自適人或以朝廷非是官長得失言者輒揮手  
止之晚好陶靖節歸去來辭諸葛公出師表屈原漁  
夫辭令子牙繕寫而吟咏聞國事日非則或達夜  
不寐或潯下沾襟曰吾願早死不見此景象也碑銘  
鄭造尹訥以臺諫避嫌首發廢母之論李左相恒福  
謂李公德馨曰吾得死所矣公曰吾二人同進先  
以克盡誠孝及覆陳啓因言臺諫不道之狀可也  
左相曰不可此事必詢大臣嘗引經據義或因獻  
議或進一劄因及永昌不加誅之意可也翌日詣  
闕公附耳謂左相曰此事何能忍待數日我心如



焚今日入啓如何左相曰不可毋以劉草示之公  
喜曰甚善越二日兩司先劾左相左相去國公俵  
俵無所聊每歸私茅仰屋飲泣却食不進唯索冷  
酒而已

名臣錄

李芝峯晬光所居齋塵滿室脩然若忘情於世事者  
而一心憂國常言經亂之民如經大病惟當靜以  
鎮撫而時好紛更此其弊也

碑銘

吳公億齡晚節常思退休而未能行其志有時仰屋

曰安能處無母之國而苟活耶

名臣錄

李公綏祿素喜酒晚節尤酷愛自傷遭時不辰以飲  
為事世目為酒人然獨居多閉門流涕或獨往不

返手書武侯表陶<sup>潛</sup>辭澹庵疏揭壁上日起諷讀讀

訖嗚咽慷慨悲不自勝子牙乘間開譬公曰甬言

亦是也然古人有懷沙投水者誠不忍見宗國之

亡也汨羅之死賢者不以為悲況我飲酒忘憂也

死生命也蟬蛻濁穢從先人於九原吾無憾矣

清陰集

銘碑

伯

氏在鐵城時問于家君曰兒時在江都外祖對父

親每曰東宮云云未知其說云何父親曰聘君每

言艱難之際昵待東宮於一房之中熟諳其資性

昏甚而固執他日小人得志則國家之憂有不可

測云蓋公之明識固曾有見而深憂之也云

秋浦集沈  
摠所記

尹公煌聞朝廷有助兵之舉自此絕不問時事牢卧

一室足不出戶庭病時諄諄若啗蠶旁人諦聽皆

古人歎世傷時之語其惓惓憂國之意至死尤篤

碑銘清陰集

洪公命耆見朝廷時和忌備計畫不行積成憂疾形

容憔悴或謂公何不自愛公歎曰此時何可私七

尺軀也但失今不畜財力已竭民怨益深戰不得

和不得避亦不得我則惟有一死耳

同上

羅公萬甲每聞國家助兵瀋陽歎曰三百年君臣之

義到今絕矣日夜潸泣悲憤不自勝

碑銘

李贊成時彥立朝五十餘年守職奉公不避夷險愛



君憂國之心白首如一國有大事杖而造朝遇可  
言者盡言不諱嘗曰吾平生無可觀者但不欺親  
不欺君以此自立云

同上



魚

必如

云

以

已

解

至

世

以

以

以

子

以


以

以

以

以





魚丸

此藥名

牙三

仙主

申

好

好

好

好

好



